

REGLUGERÐ

um breytingu á reglugerð nr. 178 9. nóvember 1959 um vöruhappdrætti
Sambands íslenzkra berkla sjúklinga.

1. gr.

6. gr. orðist svo:

Vinningar eru samanlagt 16 500 að tölu í öllum 12 flokkunum og eru samanlagt að verðmæti kr. 93 600 000.00.

Stjórn SÍBS ákveður vinningatölu og verðmæti þeirra í hverjum flokki. Þó séu aldrei færri en 1000 vinningar í 1. flokki og ekki fleiri en 2 500 vinningar í 12. flokki.

2. gr.

7. gr. orðist svo:

Verð ársmiða er kr. 2 400.00, en endurnýjunarverð í hverjum flokki kr. 200.00. Ef menn vilja kaupa hlutamiða eftir að drættir eru byrjaðir á árinu, skal greiða fyrir hann, auk verðs hans í flokki þeim, sem næst á að draga í, samanlagt verð hlutarins í öllum flokkum, sem dregið hefur verið í á árinu.

3. gr.

Reglugerð þessi, sem sett er samkvæmt heimild í lögum nr. 18 22. apríl 1959 um vöruhappdrætti fyrir Samband íslenzkra berkla sjúklinga, sbr. lög nr. 32 5. maí 1969, öðlast gildi 1. janúar 1974.

Jafnframt fellur úr gildi reglugerð nr. 253 25. ágúst 1972.

Dóms- og kirkjumálaráðuneytið, 21. ágúst 1973.

Ólafur Jóhannesson.

Ólafur W. Stefánsson.

29. apríl 1973.

Nr. 261.

Staðfesting forsetans á skipulagsskrá fyrir Minningarsjóð dr. Victors Urbancic, hljómsveitarstjóra Þjóðleikhússins, útgefin á venjulegan hátt að mandatum af dómsmálaráðherra 29. ágúst 1973.

Skipulagsskráin er þannig:

SKIPULAGSSKRÁ

fyrir Minningarsjóð dr. Victors Urbancic, hljómsveitarstjóra
Þjóðleikhússins.

1. gr.

Sjóðurinn heitir Minningarsjóður dr. Victors Urbancic.

2. gr.

Sjóður þessi er stofnaður af Þjóðleikhússkórnum, til minningar um dr. Victor Urbancic, fyrsta hljómsveitarstjóra Þjóðleikhússins og stjórnanda Þjóðleikhússkórsins, með kr. 5 600.00 framlögum sem þakklætisvott fyrir ómetanlegt og heilladrjúgt starf hans.

3. gr.

Þjóðleikhússkórinn mun leitast við, ef nokkur tók eru á, að halda einn samsöng árlega, opinberlega eða í útvarp, helst um eða á dánardegi dr. Victors Urbancic, ef fært reynist, eða þá fyrir eða síðar á árinu eftir því, hvernig verkefnum kórsins er háttað hjá Þjóðleikhúsinu, og láta ágóða af þeim samsöng renna óskertan í minningarsjóðinn.

Eignir þær, sem sjóðnum kunna að áskotnast, svo sem gjafir, áheit, ágóða af þessum eða öðrum hljótleikum eða skemmtunum, eða þá á einhvern annan hátt, skulu lagðar við höfuðstól sjóðsins, og láta lögum þeim og reglum, sem þessi skipulagsskrá mælir fyrir um.

4. gr.

Markmið sjóðsins er að styrkja lækni til sérnáms í heila- og taugaskurðlækningum (neurokirurgi) eða aðstoðarfólk til sérnáms í hjúkrun heila -og taugaskurðsjúklinga, eða að veita fé til tækjakaupa eða eflingar aðstöðu á annan hátt í þessari grein lækninga, eftir ákvörðun sjóðstjórnarinnar.

5. gr.

Stjórn sjóðsins skulu skipa 3 menn: Einn maður, kosinn af Þjóðleikhússkórnum árlega á aðalfundi kórsins, ekkja hins látna hljómsveitarstjóra, meðan hennar nýtur við, en eftir það einn af afkomendum dr. Victors Urbancic, og einn af starfandi taugaskurðlæknum hér á landi. Sérfræðingar í heilaskurðlækningum skulu tilnefna einn úr sínum hópi í stjórnina. Sami sérfræðingurinn getur aðeins setið eitt ár í senn í sjóðstjórninni, nema því aðeins að hann sé eini starfandi heilaskurðlæknirinn á landinu. Stjórn sjóðsins skiptir sjálf með sér verkum. Þjóðleikhússkórinn kys einnig á aðalfundi sínum árlega einn varamann, er tekur sæti í stjórn sjóðsins í forföllum aðalmanns.

6. gr.

Styrkveiting úr sjóðnum fer fram árlega á afmælisdegi dr. Victors Urbancic, hinn 9. ágúst, og getur sá styrkur numið allt að helmingi skuldlausrar eignar sjóðsins hverju sinni. Heimilt er þó sjóðstjórninni að fresta styrkveitingu um eitt ár eða lengri tíma í senn, ef það þykir betur henta eða engar styrkbeiðnir berast.

7. gr.

Stjórn sjóðsins skal halda gerðabók. Í gerðabókina skal færa inn skipulagsskrá þessa, allar fundargerðir stjórnarinnar, umsóknir um styrk úr sjóðnum, styrkveitingar og annað, er varðar hag og rekstur sjóðsins. Enn fremur allar eignir sjóðsins og ársreikninga yfir tekjur og gjöld sjóðsins.

8. gr.

Reikningsár sjóðsins er almanaksárið. Stjórnin skal birta reikninga hans í B-deild Stjórnartíðinda. Þjóðleikhússkórinn skal kjósa einn endurskoðanda reikninga sjóðsins á aðalfundi kórsins ár hvert og einn vara endurskoðanda, en vandamenn dr. Victors Urbancic tilnefna hinn aðalendurskoðandann.

9. gr.

Leita skal staðfestingar forseta Íslands á skipulagsskrá þessari, og er þar með úr gildi fallin eldri skipulagsskrá sjóðsins frá 17. maí 1958.

Reykjavík, 15. júlí 1973.

Í stjórn Minningarsjóðs dr. Victors Urbancic,

Dr. Melitta Urbancic.

Þorsteinn Sveinsson.

Svava Þorbjarnardóttir